

## Jude Saadanii Kaarita

*Di'oraz kaarita daua'o*

Di'oraz kaarita Jude saadanii mishidainaao Jesus Christ ati'o. Ukakinaowan ūnyaun mariidin-auzonao tiichaanaao kakinaori ai, oo pana'iti'o ūtominapa-kidanii kida ai. Ukowaadan mishidainaao ati, wuru'u mariidinauzonao tiichaanaao, aonaabauda'apa mani ūtominapa-kidan pana'iti'o paradaraku Jesus Christ dau'an, mazan ūtominapa-kidan naa pidannao mashaapa'o ni'i naa oii. ūnao aia'o kapam Peter kakinaowanuz mishidainaao itamautan pasaadanii ida'a.

Jude kowaadan kapam da'a'a pakaaritan ida'a na'apam nii Tominkaru pataka'utan na'iki umainaabatan tikazi idi wuru'u mariidinauzonauz tiichaanaao, na'apa umainaabatan kawan oiainao kotua'a naa, saadauzo-kariwaiz Tominkaru paradan kowaadan kawan.

### Kaarita buutinpan kida

Sakadin-kinai 1-2

Mariidinauzo tiichaanaao dau'ana'o 3-16

Mishi kizi ma'ozaka mishidapa-karu 17-23

Tominkaru umanawunun konaukii-kida-kao  
24-25

<sup>1</sup> Di'oraz kaarita ūgaru Jude saadanii. Jesus Christ poitoru wuru'u ūgaruz na'iki James inawuzu ūgaru.

Ūsaadan di'oraz kaarita ipai pidannao ati'o, waDaru Tominkaru dapadaniinaouz,

mashaapa'o nii pakamarainapanun ida'a, na'iki Jesus Christ taapaniinaouz kaiman.

<sup>2</sup> Marii powa'a zii kamunan-karu, kaiman-karu nyukunui ii, na'iki kamarainpan-karu na'an unao ida'a.

*Mariidapa'o  
patominapa-kidan pidannao*

<sup>3</sup> Õmarainapanii õmin-mishidannao, tuukia'o da'i õsaada'azon õkaaritan u'ati, tawuru dau'ana'a kazannaatin-karuz oia'o ai, baokopa'oraz wamishidapauzon. Mazan aizii õsaadan nii õma'ozakada-kinaa nii unao, ma'ozaka kizi ukazannaatapan wuru'u umishidapanuz, mishi'o kuwai Tominkaru taaniaz naa papidannao ati. Karikaonanu'o nii una'an, aonaa turuu upana'ada-kao. <sup>4</sup> Õkian kaikapa'a, usha'apanum kau'an kaina'a oiainao pidannao zaamatinan ubii iti, aona'o ïaitapa-kao. ïnao pana'ada'o kaimana'o kuwai Tominkaru kamunanun dava'oraz. ïpana'adan wuru'u parada-karuz kaimana'azoo ïsha'apaapan oia'o, kakiba'azonnaa kida'o, na'iki ipai aimaakan dikauda kida'o usha'apaapa-kao. Na'iki aona'a naa ïnyukunuu-atin Jesus Christ, bauda'apa'oraz na'iki umanawunu'oraz wanaobanaa. Mazan na'apaina o pidannao pataka'uta-kinao ni'o dau'ana'o, tawuru'u saadauzo-kariwaiz kotua'a naa, Tominkaru paradan ida'a.

<sup>5</sup> Õkakuwaapa'azon u'ati uaitapan pu'a'a naa padamata kidaz, õaipan idi'o unyukunuitapan uruu wanaobanaa kazannaata'oraz papidannao Israelitenao Egypt iki. Mazan udauna'an,

umainaabata ipai mamishida-kainao pidannao ūbii iki. <sup>6</sup> Na'iki unyukunuitapa, na'apam pabi'i kida angelnao, aonaa ūna'ian wuru di'ia'a Tominkaru taaniaz kaimana'o ūwiizi nii na'iki ūkaudinkiz nii, mazan ūmarina'atan kaimana'o pamashaapa-kizi. ūnao kaina'a'a naa Tominkaru taapan maruta'o ka'azo ii chaintinapa, atii oiainao pataka'uta-kao kamoon kaawan di'iti. <sup>7</sup> Unyukunuitapa kizi kapam, Sodom na'iki Gomorrah,\* na'iki ūdazaba an kida'o wiizai, na'ii pidannao kiaapaakauzon madoronaa-daun, na'iki daonaioranao kiaapaakan pa'atiaaka kida. Uruu dikan ii Tominkaru mainaabatan wuru'u donoi pakawaodan ida'an kidaz. Aimaakan sha'apanuz kaikapa, ukainaabatan kaina'a'o tikazi karikaonanu'o una'an, pidannao sha'apaapainao oii kida'o pataka'uta-kizinao ni'o.

<sup>8</sup> Na'apa kida'o ida'an pidannao pataka'uan pananaa, zaamatinainaouz unao bii iti, ūmishida na'apam pazanda'awun ia'o patukapan karikaonan. Uruu idi'o tuukii ūdikintapan Tominkaru paradan, na'iki ūparadan dikauda aokazi iainao umanawunuinao dau'an. <sup>9</sup> Upu'u zii angel Michael, umanawunu'oraz ba'orainao angelnao bii'i, aonaa na'apam ukian Satan ati, aonaa udakoopanuzu, ukadakowaakan dono utuma Moses nanaa dau'an. Mazan ukian Satan ati, "Onaobana'o nii pa'an kashadakowau pugaru."

<sup>10</sup> Aizii wuru'u pidannaouz, ūdakoapa zii pamaaitapakanii aimaakan kida. ūnao na'apa'o wuniinao maaitapinkan kawan,

---

\* <sup>1:7</sup> Sodom na'iki Gomorrah: Putukapa kaarita tokon ii Parada-karu Masha'apannaada-kinao di'ii.

sha'apatina'oraz panyukunuu aipan kawana'ati karikaonan. Ùkau'an ïsha'apatan oii kida'o aimaakan panyukunuu aipan kawana'ati, na'iki ïsha'apatanii kidaz, uru'o nii wuru'u pataka'uta-kida'o ni'oraz ïdfaun. **11** Kasha'ora'o nii manawun ïbaiainp! Ìda'anan idi Cain kaduz, Cain zowiauzoz pa'inawuzu.† Na'apa ïnao Balaam kawan, tuukii manawun ïaipan puraata, uruu idi ïsha'apatan pana'iti'o aimaakan.‡ Na'iki Korah kawanu'o ïkashadamikin, na'apa'o nii uruu kawan ïmainaabata-kao pakashadamikin idi.§

**12** Aizii ubaokopainpauzon dono uaroapa-kizi ii, kakiba'azonna'o nii ïaroopan dono utuma, ïtuzapan na'iki mabaa'azoo ïsha'apatan oii kida'o ubii ii. ïnao ïaipan aimaakan soo pa'ati karikaonan. ïnao na'apa'o wunu wa'atin kawanu'o maruta'oraz utomina'akan, mazan aonaa ukaawan uzabia'azon amazada aradan, mazan sawata'aka'oraz udobatapan isha'iz nii awaru mainaabata'akan idiz. ïnao na'apa'o dizoo-karu kadunaa kida kawan makaaka-ka'oraz, ba'oran dizoo-karu kadunaa kida kaakapaan dono. Mawaka'o manawun rokodakariwai pa'ishitaba'u tuma kawanu'o ïdfaun. **13** ïnao na'apa paran ia'o wunu kaparanun kichana'iki-kian kawan, ïbozoodapan kaniriba'o kakiba'azonnaa kida'o pasha'apaapanii. ïnao na'apa zikainpa'o wizinao kawan, aona'oraz turuu pidan aitapan pakainaabatan na'itim pamakon ï'ida'an. Uruu idi kaina'a'a naa ïwiizi

---

† **1:11** Genesis 4:3-8   ‡ **1:11** Numbers 22:1-35   § **1:11** Numbers 16:1-35

nii taapa-kao, uruu maruta'oraz manawun, na'iki karikaonanu'o nii ūna'ian.

<sup>14</sup> Kotua'a naa Enoch kowaadan aimaakan sha'apa'o nii dau'u ūdau'an. Wuru'u Enoch, 7 udokozu-daunnao Adam di'iki'o. Uruu Enoch kiauzoz:

“Utukapa! Naobanai wa'atin iriba'o pa'angelinnao tuma.

<sup>15</sup> Uwa'atin uwidaua'anan naa ipai pidannao.

Upataka'uta'anan ipai pidannao dikintapainaouz Tominkaru,

ūmashaapan idi oii,

na'iki ūdakoopan idi Tominkaru dikauda'o ida'an.”

<sup>16</sup> ūnao pidannao, ūnaudapa paparada-paradaapan panyukunuu oian idi, na'iki ūparadan oii ba'orainao dau'an. ūmashaapan naa panyukunuu aipan kawana'ati'i naa, oipa'a naa. ūnao pidannao, umanawun nii ūkakuwaapan padau'an. ūparadan konaunam, ūkaiman-dakoinpan pidannao ati, ūaipan idi pa'ati'i karikaonan kaiman-karu.

### *Jude kakinaowan pasaada-kizinao pakaaritan*

<sup>17</sup> Ōmarainapaniinao! Aonaa umanyukunuuta'ana'a wanaobanaa Jesus Christ apostlennao kowaadauzonii, diina'iti'o nii usha'apanu'u. <sup>18</sup> ūkian unao ati, “Diina'iti'i amazada katokon-tina'anan di'iti, kaina'a'o nii pidannao dakoopa'o nii Tominkaru na'iki upidanannao. ūnao pidannao, sha'apaapa'o oia'o panyukunuu na'akan kawana'ati paugaru.”

<sup>19</sup> Na'apa'o pidannao toma'oraz buutaaka-karu

unao bii'i. Ōsha'apaapan aimaakan panyukunuu na'akan kawana'ati'o paugaru karikaonan, na'iki aonaa Tominkaru Doronaa nii ū'ida'a.

<sup>20</sup> Mazan unao ūmarainapaniinao, marii karikaonan umashaapan uma'ozakadaaka, powa'a zii uma'ozakada umishidapan kakinaorii kida, Tominkaru di'iki'oraz. Utoriinpauzo Kaimana'o Doronaa kaminka'utan ida'an unao. <sup>21</sup> Umashaapa'a naa Tominkaru kamarainapanun ida'a, uzaudapatinan pu'a'a naa wanaobanaa Jesus Christ kamunanan'unan, pataan ida'an u'ati karikaonanu'o kakupa-karu. <sup>22</sup> Ukamunan-kida na'iki uma'ozakada umin-mishidannao, aona'oraz naa ūaitapanaatan na'ia'oram pamishida. <sup>23</sup> Na'iki ukazannaata kapam ba'orainao, ukazatan ida'an ūdyau ūna'aka-kao ai tikazi di'iti. Na'iki ba'orainao, ukamunan-kida ūdyau, mazan uzaudin ūkaduz ai, aonaa kizi ukaiwadan ūkamichan kaduz, kaniriba'oraz naa ū'oian idi.

*Jude konaukii-kidan Tominkaru  
umanawunun*

<sup>24</sup> Uruu Tominkaru ka'iita'oraz pataapan unao uwaotan ai oia'o di'iti, na'iki uruu kadishita-kida'o ni'oraz unao kaimana'o pidannao nii, na'iki konaukiaina o nii, umanawunu'o pakonaunaman kanaapu ati. <sup>25</sup> Wakonaukii-kida uruu, soo uruu baulda'apa mishi'o Tominkaru, uruu wazanna, waNaobanaa Jesus Christ ida'an. Soo baulda'apa uruu ida'a konaunama-karu, umanawun-karu, ma'ozaka-karu, na'iki udaru'o naobanai-tinapa-karu, kotua'a naa amazada sakadinan iki, kai, na'iki karikaonan. Amen.

**Kaimana'o Tominkaru Paradan  
New Testament in Wapishana (GY:wap:Wapishana)**  
copyright © 2012 Wycliffe Bible Translators, Inc.

Language: Wapishana

Translation by: Wycliffe Bible Translators, Inc.

**Copyright Information**

© 2012, Wycliffe Bible Translators, Inc. All rights reserved.  
This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.  
You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

**The New Testament**

in Wapishana

**© 2012, Wycliffe Bible Translators, Inc. All rights reserved.**

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2014-04-30

---

PDF generated using Haiola and XeLaTeX on 11 Nov 2022 from source files  
dated 29 Jan 2022  
198b856d-ac64-5e95-afee-2b1cb3b356c1